

P1

眉翁于鄉賢祠而俎豆之夫

翁居鄉則許汝南陳仲弓一

流人物立朝則潞公彥博洛

下司馬不啻也而紳而衿而

耆耆表章之已詳若守若令若

監司之詳允更確予復言之

贅已



賜葬造墳方邀

天恩于九重黃流清醑又近聖席
于咫尺生榮死哀都人士羨
之嗣公芝三壽之劑劇請弁
言于予予曰是何足以榮翁
者翁之芳節懿行可傳可師
將旦晚


朝廷允禮官議易名而予之謚由
名賢祠而升主兩廡之間與
漢宋諸儒相揖讓豈僅若遠
瑗諸人祀之鄉而已哉且明
之理學如章懋王良多人宜
從祀而有待今當禮明樂和
之日集朝議透明儒而進之

以補前朝之所不建翁將連
袂而登由升堂而入室在指
顧間也予年近古稀而尚未
卽木者天蓋留予不死之身
以發虹玉之光而爲鬼錄作
董狐也漆燈明滅之下翁當
有以諒我

晉

順治八年歲次辛卯初冬之
吉

眷年侄武備頓首拜誤



崇祀錄

開封府蘭陽縣爲公舉名賢崇祀澤洋以
光大典以隆尊報事據本縣鄉宦貴州道
御史曹叶卜戶部江西司員外陳衷一工
部都水司主事史載江南廬州府推官韓
范浙江嘉興府崇德縣知縣程佺原任吏
部主事今候酌用武備原任浙江布政司
右叅議張天機原任陝西臨洮府推官侯
良翰舉人汪宇等貢生杜坦如等連名呈

前事切緣本縣已故戶部右侍郎贈都察院右都御史梁諱雲構天性敦敏學問淵泓涵養深而光風霽月澄練熟而坦易和平學講豐城接千載薪火之秘文凌二室占兩榜河洛之先居喪則鷄骨支床哀毀幾至滅性純孝格天而紫芝耀彩教子則鯉庭垂訓箕裘無改家聲銓曹秉鑑而紅藥翻堦筮仕大行啣使命而恤輪蹄之苦晉職臺諫劾權倖而褫窮竒之魂騫鷺車

於鳳泗宣雲鎖鑰壯邊塞王氣護金陵千里凜鵠威之遠振奉饗使於六橋三竺嚴灶丁之曬煎清海窩之奸宄兩省驚龍燭之高懸京兆陪驂精鑑別而熒黷序之水鏡長江開府謹斥堠而銷逆帥之怒鯨卧病桃葉渡頭輔政載後車以北上補官銀臺喉舌棘寺連司農以遄陞到京則授館燕雲傳食隆大官之俸病沒則諭祭壠墓造墳叨賜葬之榮宦業久炳煥於立朝家

修尤茂著於居野睦族也置義田立家塾
不使有饑寒之慘豪橫者繩之以法而不
少假貸姍親乎優母族恤外家不致有炎
涼之感才俊者勉之使學而不至沉淪倡
義而修葺黌宮五雲閣聚奎樓尊經閣並
峙一時而甲第重闢主盟而荆立文會蓋
舫亭文水社桃花庵挺洞多年而桃李迎
門燈火油炭以佐貧生卽宦遊在外而家
下之供給如額揮金施棺以救窮乏自秀
才至今而一生之仗義欣然贈溫續於寔
人而肌膚無苦於皴皴惠房牘於寒士而
誦讀可免於抄謄歲值大禋首唱蠲賑煮
饘粥而活萬人之命時當流寇議主甓城
鬻田產而施千兩之金門前立萬人之碑
齊口共載


先帝有四字之褒建坊以旌無愧於居官居鄉
旣行成而名立可當乎冬掌秋禴庶崇德
以報功畏壘議生前曾遜讓而固辭尸祝

在身後合樽俎以寫心立品崇闕允堪奠
楹之典衆議僉同實出輿論之公謹合詞
以上陳候申詳而轉請等情又據本縣儒
學廩膳生員金鑑等增廣生員張孔教等
附學生員王珂等連名呈爲宦業久著旗
常鄉評允孚月旦收之泮水登於几筵以
彰前修以風後進事考之祀典法施於民
則祀之以勞定國則祀之能禦大災捍大
患則祀之由今而論豐功輝煌於宦海德

劭標表於汝南光前裕後輝古映今未有
如本縣已故鄉紳梁司農德業之盛者也
司農諱雲構起家戊辰進士髫年穎悟高
童烏楊果之聲刻意著書集青鸞赤鳳之
瑞床支鷄骨純孝感而庭生紫芝露濡鳩
形春溫盎而惠渥白粲贈榜禪于死者居
然掩骼埋胔之風給挾續於路人頓免裂
膚皴皮之苦義學廣設而坐延館師資捐
贄束極出泉浴日之功文社主盟而名人

鵲起多士鰲飛破地老天荒之恨鍊金鼎
造魁樓併雲閣以挿天且尊經閣雄峙泮
後而文運自此開焉嘉意儲才柴炭併麥
穀以及人且市房書持贈名流而諸俊由
是升矣母族妻黨人人盡飲醇醪紆婦耕
夫家家咸沃濃露荒年煮餲粥倡義當先
而樂輸孔後餓夫起于桑間寇至甓城垣
捐助無力而鬻田急公周埤固於金壘輿
人興頌門前立萬人之碑

先帝渙綸建坊來四字之褒在野則彥方許劭
不是過矣當官則卣雨爽棠有足多焉簪
筆西臺豸冠觸佞屈軼指奸霜簡冷賊臣
之魂攬轡出狩威著宣雲鏘巖鳳泗青海
淨塩窩之窟埏埴畿士美京兆之雅意作
人震攝左營喜江憲之忠感逆帥卧病桃
葉渡非憚行役之艱從龍黃金臺適際風
雲之會銀臺居喉舌之任未幾而位晉棘
卿司農當泉府之交因勞而星騎箕尾



P6

天子悼一老之不愍予祭葬之全恩都人痛百
身之難嘗議俎豆以崇報星週兩載父老
之雨泪猶新哭聚萬人墳頭之陌錢難數
徘徊無已妄議祝釐以寫心銘刻何窮謬
祈申請而圖報等情又據本縣鄉耆田遂
雨百姓孫崇古等連名告爲公舉賢紳仰
求廟祀事竊惟小人之腹難厭惟德我之
爲恩君子之澤未涸曷念茲以圖報宦業
久著廟廊小人豈能悉知恩惠屢施窮民
理上告等情到縣據此覆查看得已故梁
宦學詣淵源性行純粹勲業炳於朝常恩
波洽於閭里爲律爲度業已著於生前垂
型垂範實堪模於身後故

朝廷隆褒崇之典而士民効礪石之誠素修固
已步武於贖聖而思慕爭欲快覩夫羨墻
且也羽翼斯文表章往哲接引後學振鐸
開來誠聖門之所願見而士民之所景仰
者也配祀黌序典禮允宜緣係公舉賢紳

仰求入祀事理卑職未敢擅專擬合申請
爲此今將前項緣由理合具申開具書冊
伏乞

照詳明示施行須至申者

欽差提督學政河南等處提刑按察司僉事黃
批 梁宦道探淵源學窺堂奧掇巍科於

英少二室欽風誘後進于來茲兩河
服教立朝身列儀天下名業播以膚
功私第則只碑里門博施出諸高義

爲善不倦四字錫之先朝樹德務滋
兆民傳之奕世僉議攸同輿情咸協
允宜俎豆以光芹藻

入祀彩聯

箕裘傳奕世笏堆床上于時列鼎鳴鐘稱
閎閎

鼎俎聯前人主祔父旁此日娛顏促膝快
瞻依

高標名世之英郇而黍蕝而棠當日心心

相印

位置大賢之品回也琴點也瑟而今面面
可承

卓績樹朝宁掌效益贊臯謨立扶中天紅

日

鼎食分璧雍想偕顏琴魯瑟居歆東魯清

風

天生一代備人立功立德立言三垂不朽
運開五百名世爲礪爲霖爲楫奕葉光昌

寶筏渡文水掌效立雪坐風親炙中天化

雨

鼎食分泮林想偕鳴琴鼓瑟居歆東魯晴

雲


生前事業麟閣來鳳儀運開風雲百世

身後威神鷄彝配龍勺人歌芹藻三章

高誼口碑萬姓言采蘋蔡言采芹藻

巨功血食千年於論鐘鼓於論碎籬

蘇黃歐富是前身蘊藉風流堪獨步



P10

濂洛關閩作後勁升堂入室有同推
生蘭邑而破天荒揭萬載未開之眼
首興朝而入聖域立千年不祧之宗
修文白玉侍僊班足履九天星斗
配食青麟隆廟祀臂聯四座聖賢
立功德以立言一時多士分題品
采蘋蘩而采藻兩廡哲人共後先
德侔總員聖繼往開來百代文章燦爛
文貫天人帝師玉友千年俎豆馨香

淵源學問程周張朱以來無雙士

正大文章韓柳蘇歐而後第一人

是梓是橋並饗血食萬斯世

擬賢擬聖崇光俎豆一時新

學講豫章接萬古薪傳之秘

席叅鄒魯聯同堂樽俎之光

任卹睦婣德邵一鄉月旦

蒸嘗禴祀光生四座蘋蘩

應世如春品重圭璋金錫

浣勝似雪坐享鬱鬯椒馨

木本水源九族雍和銘大義

酒玄羨太萬年禋祀報豐功

理搜月窟天根嗣關閩濂洛相緒燼

勲勒商彝周鼎隨顏魯游夏共分光

告廟文

曰行無微而不彰德無積而不報茲有戶

部右侍郎贈都察院都御史梁 宦業

與家修並茂文章偕德行齊芳闔縣公舉

崇祀已經學憲詳允謹於是日捧主安置

鄉賢祠以光大典肅此上告以

聞

本縣安神文

曰惟神德行茂美宦業峻嶒恩誼昭宣鄉

人待而舉火中外剔歷

朝廷倚為重臣太丘彥方名著閭黨山甫南仲

勲懋王家保舉出於至公蓋棺之評已定

置主奉平詳允名賢之祀式從謹修妥侑

之儀仰異昭格之盛尚饗

臬司祭文

惟神丰規粹玉品局融金探理學之淵源
道講鄒魯植人倫之師表望重蘇湖播笏
朝端皆發揮性命之地哀露卿黨乃破盡
鄙吝之私立身在大賢之林既蓋棺而論
定置主奉詳允之檄宜登俎而永馨啓幪
巾以發光臨泮水而勸進尚饗

闔邑公祭文

惟神真品真儒克賢克聖講道德之統緒
茲在斯文勒英猷於鼎彝會逢名世鴻辭
奧理著書已燁乎千秋任郵睦嫻賢德允
協於萬祀並饗血食聯橋梓之清班翼燕
貽謀繼作述於銅柱宜山淮海轍環十五
國之風猷禮樂兵農追徽大司寇之芳蹟
盈門桃李擬七十子之傾誠著望斗山來
萬億人之永譽評既尊於鄉梓勛更昭於
旂常配饗廟庭式光俎豆尚饗

隣封公祭文

惟神一代偉人兩河間氣負笈講學續道
脉于薪傳鏤冰著書擷菁華于斑管恤窮
賑乏更甃城而護闔縣之生靈育才作人
且主盟而發連年之科第建牙持斧允剔
歷於封疆園府銀臺聿勞辛于省寺從龍
而際風雲之會績著涓瑋翔鳳而諭葬祭
之榮光生馬鬣嫺睦任卹以居品正直感
厚而立朝評定蓋棺保舉原係公道詳允
學憲舉行允協輿情置主學宮衆修勸進
之典涓吉釋菜微申妥侑之儀尚饗

家祭文

曰猶記丁丑之歲

父竣淮楊巡狩鷺車過里門適值輿論共推
大父從祀

孔廟鄉人追遡其腹笥經史比之邊孝先唾面
自乾比之婁宗仁羔雁成群比之陳太丘
吾

父恪守家法居官德業宣雲吳越之人多俎
豆之若居鄉也任郵甥睦嘗以謙厚寬忍
四字自砥儉教不孝與諸門下士德澤表
著於里舍不可勝紀僉議建生祀以尸祝
之

父峻止焉今萬人之石碑仍歸然也乃月日
共許蓋棺益定蘭之人聚族而誦祀之泮
水然泮水之祠久經燹火衆復醵金修葺
之規制更新縣父母同闔邑戚友隣封葭

萃導

主從祀於

至聖先師之宮春嘗秋禴生平之事亦云畢矣
嗚呼以吾

父之文學德行可入顏閔游夏之室而無憾
不獨劉桓公諸先賢虛左以相讓也與
大父相對色喜會有進之哲廡之時矣尚

饗

圖書



